

# Powšitkowne WOZJEWJENJA

njedźelu, 11. awgusta 2013

## Prayerfestival w Marienfriedže

Na mjezynarodny prayerfestival w Marienfriedže pola Noweho Ulma wotjědže pjatk, 16. awgusta, w 6 hodź. bus wot Budyskeho klóšterka, w kotrymž su hišće městna swobodne. Zajimcy njech so hač do pónđzele, 12. awgusta, pola fararja Gabriša Nawki pod e-mailowej adresu ganawka@nexgo.de abo pola franciskanskeho patra Paulusa Tautza pod brotherpaulus@hotmail.com přizjewja.

## Wopomnjenski nyšpor za Michała Hórniku

Towarstwo Cyrila a Metoda z.t. (TCM) přeprašuje wěriwych ze wšitkich wosadow na wopominanje 180. posmjertnych narodnin přenjeho redaktora Katolskeho Posoła Michała Hórniku do Worklec. Swjedženski nyšpor budže njedźelu, 1. septembra, w 15 hodź. a zahaji so z wopomnjenjom wótcinca při pomniku. Z tutej Božej službu zakónča so zdobom jubilejne zarjadowanja składnostnje 150lětneho wobstaća TCM a 150. róčnicy přenjeho wudaća Katolskeho Posoła. Nyšporej přizamknje so swaćina.

## Zelowy swjedzeń w Klóštrje

W klóšterskej zahrodže w Pančicach-Kukowje je njedźelu, 18. awgusta, tradicionelny zelowy swjedzeń. Ekumeniski nyšpor w 14.30 hodź, na kotrymž so zelowe kwěćele požohnuja, změjetaj farar na wuměniku Rolf Hock z Worklec a farar Gerd Fey z Huskeje. Nyšporej přizamknje so koncert Kamjenskeje Red Tower Big Band. Wona zahraje swingowe, jazzowe, popowe a latinowe štučki. Tež zelowe wiki so přewjedu.

## Wulět seniorow

Hornjołužiski zwjazk Charity přeprašuje seniorow na wulět do Altenberga. Bus wotjědže z Kamjenca srjedu, 4. septembra, w 13 hodź. Zajimcy měli so hač do pjatka, 23. awgusta, pod telefonowym čisłom (0 35 78) 37 43 21 pola Charity w Kamjencu přizjewić.

## Putniska jězba do Słowjenskeje

Za putnisku jězbu do Tinjow (Tainach) pola Klagenfurta w Awstriskej wot soboty do soboty, 19. do 26. oktobra su hišće městna swobodne. Pojědźemy mjez druhim na słowjenske putniske městno Brezje a do stolicy Ljubljany. W Awstriskej wobhladamy sej Maria Wörth. Přizjewće so prošu lěpšeho planowanja dla jara bórže pola mje w Radworju, telefonowe čisło (03 59 35) 2 04 25.

*Terezija Kubašec*